



DEO OPTIMO, MAX.

UNI ET TRINO,

VIRGINI DEIPARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBET ARIIS DISPUTATIONIBUS,
manè discutienda, in Scholis Medicorum, die Jovis,
decimâ Januarii, 1726.

M. MICHAËLE-LUDOVICO VERNAGE,
Doctore Medico, Præsidente.

An maligna Febri saphena sectio, Emeticum?

I.



FEBRIS frequentissimus morbus, inflammationis comes individuus, omnium ferè acutorum morborum *essentia*, chronicorum symptoma, illorum effectrix, horum effectus. Illi sanescunt, dummodò causâ Febris vasis fagerit, hi non eraduntur, nisi causâ morbi, viscerum recessibus impacta, eradicetur. Frustrâ Febrem horum affectuum comitem specifico debellare conaberis: ni morbi *essentia* idonea aptes, & amico jungas fœdere, medendo ægrescit. Febris non unus & simplex, sed multiplex & varius, pro typo, more, ægri ætate, *idiosyncrasiâ*, tempestate, epidemiâ constitutione, & symptomatum, quibus stipatur, serie & indole, morbus. Quoad typum, in varias abit species, incendii continuo, aut interrupto tenore, accessionum ritu dissimili, publico denique, aut privato viscerum damno. Indè nota in continuam & interpolatam Febris distinctio. Continua nonnunquam quo exarsit die extin-

A

guitur, nonnunquam In plures porrigitur. Ephemera cognitu difficilis, curatus perfacilis, levis in victu erroris, suppressæ, aut imminutæ, consuetæ egestionis soboles, utilis ut plurimum morbus evadit. Naturæ enim molimen est, quo sanguis quas circumvehit sordes, circuitui motas, secretionibus obices nexuras, & omno vitium excoquit, sponteque in corporis oras abigit. Ideo sæpè, unâ luce transactâ, si sudor erumpat, compescitur, non reditura. Quæ in plures excurrit dies, si exacerbationes certis reviviscant periodis, continua audit periodica; si incertis, vaga & erratica, cui si frequens & inordinatus rigor intecidat, interni sæpè abcessus pathognomicum est signum. Pro more, benigna est, vel maligna Febris. Illa sæpè cum impetu minax proludit, & ad serenitatem citò vertitur, ni ægri incuria, aut exlege medentis methodo invalescat & exasperetur. Hæc mendax & insidiosa, falsâ benignitate ægrum decipit, securos fallit asidentes, Medicumque incautum & futuri ignarum ludit. Quæ manifestas laboranti naturæ præbet inducias, statis accessionum & decessionum vicibus excandescit, à continuâ non typo tantum, sed materie & foco discriminatur. Qui enim corrupti humores assiduo è primis viis appulsu in sanguiferis vasis fervent, continuas; qui in bilis secretoriis, lymphaticis, remotisque à corde alyeolis putrent, ob recurrentem novam statis temporibus fermentationem, intermittentes gignunt. Continuis magis obnoxii floridâ ætate virentes, & quorum feroci bile turget sanguis: intermittentibus, & imprimis quartanis, annis graves, temperamentoque segniores. Vete tumet sanguis, & se suo æstu despumat. Indè Februm cohors, & varia *exanthemata*, quorum hæc tempestate facilior eruptio, felicior exitus. Sirio ardente, causus urit, maligna deservit. Autumno, morborum ferace, diuturnæ & pervicaces quartanæ vigent, quæ in hyemem productæ, sæpè in hydropa degenerant. Has qui solis febrilugis penitus excidere sibi confidit, cæcutit, & ægrum vanâ spe lactât. Hæc aperientibus sociata mutuam sibi ferunt opem. Acti Hyeme, inflammatoriæ Febres, ut pleuritis, peripneumonia, angina, quas parit interclusus insensibilis halitus, grassantur. Quæ epidemica, nempe ab aeris intemperie, & ciborum vitio, damnosior: quæ huic aut illi singularis, micior. Febris denique variat, pro affectûs *essentiâ*, affectæ partis præstantiâ, & insolenti symptomatum ferocitate.

II.



UI Febris causam nescit, hunc sanguinis natura latet. Abditam qui putat, nodum in scirpo quarit. Sanguis ex dissimilibus, quas promiscuè volvit, partibus, mole, figurâ, usu, & intestino conflictu dissidentibus, mutuâ contemperazione consentientibus, coalescit. Partium diversoria perlabendo, unicuique demensum largitur, proprio Marte eundem, & juges instauraturum expensas, excrementum, vel frænum intestino motui injecturum, vel additurum stimulos, seponendum desert incerniculis. Quot excernendis scatet, tot corpus colis, vel intrò apertis, vel extûs hiantibus, præmunitur. Ea est affabrè rectorum incernicalorum diversitas, ut ex iis utiles, functionibusque obeundis idonei liquores in vasa resorbeantur: rudes, necdum elaborati, incudi reddantur, novas cundo vires acquisituri; luxuriantes undique exhælent; dissociabiles protrudantur. An varia pororum glandularum configuratio, liquoris moli, figuræ congrua, diametrorum diversitas, peculiararia fermenta singulis affecta glandulis, mitum secretionis opus conficiant: an humor à natalibus secretoriis inditus, succo segregando congener, qui sibi affinem imbibat humorem, avertum amoveat, sub Iudice lis est; ultima tamen, utporè ingeniosius efficta & verisimilior, magis arridet. Omnium jurè functionum notma est *circulatio*, *circulationis* meta secretio, secernendorum opifex fermentatio; citò enim sanguis, quoquo versum meabilis, obices sibi objiceret, & tandem stagnaret lutulentus, ni jugis principiorum, quibus viget, mobilitas, lenisque lucta inertes & otiosas partes incitaret, harum præpediret cohesionem, puras ab inquinamentis secerneret, superfluas insensibili evaporatione dederet. Fermentatio & circuitus, dispares licet motus, amice foderantur, cum ipsos inter certus est commensus, æquumque

libramens; tunc sanguis inoffenso cursu circuit, & functiones corporis intrā modum stant, quem ultrā citiusque nequit consistere recta valetudo. Si verò heterogeneorum humorum adventu, quorum sæpè immensam congerit molem stomachus, declinante appetitu plexus, illos inter motus, discordiā concordia junctos, gratia dissiliat, variis, pro diverso fermentationis errato, morbi ingruunt. Langueente inspissantur succi, recto tramite non aguntur, lymphæ imprimis tenax reddita & diditu difficilis, in suorum inflexu vasorum pigro lapsu repens, obliquas sibi innectit moras, variisque infarctus, chronicorum morborum, qui remedium vim exercent, parentes ingenerat. Vividiore, sanguis exæltuans ita rapido & abnormi motu abripitur, ut glandularum ostia præterlabendo transiliat, & varia, quibus turget, purgamenta secum revolvat confusans, donec vim viribus exciens natura, vel proprio molimine, vel arte solerti, ad hujus magisterium & exemplar composita, per varios helices vacationi convenientes exigit. Cùm intrā vasorum cancellos fluctuante morbi causâ, sanguis tumultuatur, in ipsorum parietes tantùm arietat, & singulis partibus æquè insensus huic illive labem non inurit, Febris continua simplex accenditur, cujus à nativo calor non gradu tantùm & materia, sed & naturâ discrepat. Si verò propriis claustris coerceri impatiens, cùm in sanguiferorum vasorum Mixandris primitis sili nequeat, quoddam majorem collectivè sumptis propaginibus, quàm truncis, insit diameters lymphaticorum ostia soli lymphæ pervia pulset, globulos intrudit, retorto motu irreueabiles, quorum irruptio pacatum illius liquoris fluentum irritat, liberum præpedit cursum, inflammatorium Febrem accersit, pro partis textu, præstantiâ, inflammationis gradu, magis minùsve periculi plenam. Inter inflammatorias, quæ primam in cerebro sedem figit, & omnibus minatur partibus, maligna nuncupatur.

I I I.



MALIGNA Febris, non quòd in ægri præcordiis veneni quid deserviat, vel malignam ægro assidentibus afflet auram, sed quòd, velut ignis dolofo cineri suppositus, tacitè serpat, & se cæco intus æstu, miti extus calore malignè dissimulet; ideâ & ingenio, ob symptomatum anomaliam, à cæteris Februm speciebus dissidet, nec ab ipsissima pestè, nisi ob remissione gradum, discriminatur. Varias se vertit in facies, variis illusura modis. Deterioribus, quàm pro febrili fervore, stipata symptomatis, modò sub pleuritidis larvâ inchoat: æger dolore punctorio laborat, tussis ferinâ lacepsitur, sanguinem excreat; modò abdominis inflammationem colico dolore mentitur, quæ in eo à systrophicâ discrepat, quòd non intentum, sed tumidum & prominens, vix pressu doleat, & renitatur; urinæ à sanis non abluunt, nisi quòd vix ullum citò futuræ coctionis, aut sperandæ criseos indicium præ se ferant. Sæpè tertianæ intermittens, sæpius continuæ, utriusque non raro particeps, alternis diebus vehementiori exacerbatione, cujus prodromus est rigor recrudescens, hemitritæi formam induit. At virium repentina prostratio, capitis gravitas, fugax sæpè delirium, oculos, & in arte recoctos, non essentielles esse morbos, sed Febris malignæ symptomata evincunt. Sunt quos specie tenus valentes, verum intemperantiæ vitii onustos, repente incautos obruit formidolosa: luxuriose enim passu suspecta debent habere bona sua, quæ quia in eodem habitu subsistere, nec ultrâ progredi possunt, ferè retrò quasi ruinâ quâdam revolvuntur. Plurimos manifestâ functionum læsione comminatos adoriunt. Multis ante invasionem diebus membra ingravescent; acrior est naturalis calor; altior premit somnus, qui lassitudinem non levat, sed laborem facit; tumultuosus jactantur somniis nocturnus sudor vel ipsos nimio uti alimento, vel purgatione indigere comprobât; marcet animus; torpet corpus, spontaneis lassitudinibus, lumbagine imprimis, quassatur; lancinante, gravativo capitis dolore conflantur. Turbato sensim functionum rhythmo, Febris cum rigore, sæpè vix sensili horrore invadit, quem mox non urens, sed adèd levis calor excipit, ut vix se febricitare sentiat æger. Pulsus naturali similis, sed exilior & crebrior; urina colore, copiam, insit sanorum, sed crudior; subita & absque ratione virium depressio;

mentis stupor, sensuum hebetudo, ingens denique corporis pondus Febris malignitatem exhibent. Quò minor, in primo insultu, rigor, eò contumacior, & periculosior Febris. Si in primordio, sudore diffusetur æger, cum non tam maturi, subactive sit succi vacuatio, quàm crudi, luxuriantis, & feri, sanguinis vehiculi, expressio, morbi diuturnitatis, periculi index est. Si diarrhœa laborat, cum boni moris, cocti nempe & bilioli humoris deturbatio, minus pervicacem, felicitis exituram portendit; hanc permittere, fovere, augere, si subsistat, promovere, notum in arte neophytis, comprimere, soli licitum se Medicum tantum professio: cum mali moris, crudi scilicet, & cruoris intertexti lineamentis humoris profluvium, non coercere stypticis, sed avulsâ, diversæ indolis mochlicis, quæ jussula, variæque potiones inquinat, materiâ, compescere artis apex est.

I V.



CULTA, nascente morbo, Febris, progressu, vires sumit & exerie; varioque conspicuum se reddit, in ægri perniciem, symptomatum satellitio, ni à provido & multum celeri artifice, in ipsismet morbi incunabulis, cautum sit. Exiguus, & submissus in primo impetu pulsus, intensior, citatior evadit, quòd spumosior & in vasorum parietes irritabilior insurgat sanguis, repetitis vasorum ictibus refractus fortius urgeatur, rapidius volvatur. Carotidum vibrationes brachii arteriarum pulsibus vividiores, quòd insilientis in cerebrum sanguinis comineatur obices & repagula occurrant. Urinæ prius copiosæ & limpidae, plerumque rariores, rubræ, sæpè instar jumentorum turbidæ effluunt, quòd impeditior excernendorum, bilis præsertim, cujus in hoc morbo coercitæ & vitiatæ magna vis & potentia, secretio, protrusio, major proinde humorum confusio. Corpus mordax calor deurit, quòd compressa insensilis, quæ cutem irrigat, evaporatio, vel inordinatus digerit sudor, quòd strictior prius sanguinis compages dirimatur, & principia dissilant. Musculorum tendones, brachiorum inprimis, obrigescent, subsultibus concutiantur: manibus tremor incidit, vox tremula convulsionis, ferox, delirii auspicium, quòd impetuosior, inordinatior in nervorum systema spirituum influxus. Sicis aut nulla, cum intensâ Febre, quòd sæpè mens laboret, aut inexhausta, & febrilis caloris modum exuperans, quòd paucior & acrioris salivæ proventus; lingua aspera, exusta, cum pulsus mollitie, siccitate finditur, interni signum & effectus incendii. Mens unâ cum corpore prægravatur, è suâ sede dejecta oberrat; ad se non redit æger, nisi admonitus, mox incondita, nil coherentia locuturus. Caput gravi sopore detinetur, in quem excussus citò relabitur: susurrans sonitus aures ferit, sæpè surditas occupat: facies à naturali multum aliena, livore inficitur, quasi corrugatur, vix in Febris augmento rubore suffunditur: oculi modò flammæ scintillant, modò erratici languent; injussæ nonnunquam profluit lacrymæ, quod spiritus vel involuti, & torpidi in suis conceptaculis commorantur, sensui motuique impares, vel succendiculis concitati, effrenati in nervos anomalo motu irruunt. Sunt quorum in remissione corpus universo tentatur frigore, segni torpet vetero, lecto affixum hæret immobile, in exacerbatione anxios, delirio quasi æstro percitos, spasmodicis jactatos motibus, æstuosa torret Febris impotentia. Nonnullorum, externis argentibus, interiora uruntur, quòd sanguinis major in internis vasis, quàm in externis, æstus fervorem fervorisque sensum intus adaugeat; quantò enim vividius bullit, tantò acrius, salinarum collisus molecularum, internæ partes ignescunt. Scdâ venâ, sanguis primò stillat, mox exilit spissus, inflammatorius; hanc ægrè fert primis vicibus evacuationem æger, in lipothymiam sæpè concidit, non quòd exhaustæ vires deficiant, sed quòd sub luxuriantis, & humorum æstu turgentis sanguinis mole gemant: impurum enim, & plethoricum corpus eundem ac effectum mentitur debilitatis sensum. Idèò repetitâ epaphresi, quasi ex præcipiti levatæ resarciuntur. Quantum enim Febrilis materiæ cum sanguine demitur, tantum viribus additur. Parvum è naribus cruoris stillicidium altius in internis cerebri vasibus impacti, vix præ leo:

5

tore currentis, illabente jugiter tenaciore firmati, & in externa redundantis sanguinis est indicium. Huic succedaneum cum nervorum distensione delirium ultima vite linea. Tumores nonnunquam circa alas & inguina, post aures imprimis erumpunt. Difficile maturescentes, retrocedentes, ineluctabilis fati omina; prominentes, in suppuratum abeuntes, cerebri infarctus vindices. Nonnunquam cutis in pustulas attollitur, vel maculis deturpatur; pustulæ vel quasi asperitates ut vesiculæ seminis milii speciem præ se ferentes, vel sudorum papulæ *idgæa* vocata, quæ cuti sublimes non suppurant, sed exsiccantur, excutiantur; vel variis similes, si in acutum fastigiata, rubro circumcinctæ circulo, tempestive maturescentes, distinctæ, nullis inimicis *ellhmatibus* aut petechiis interpersæ, cum fausta sint sanguinem defœcantis, & morbi fermentum in corporis peripheriam extrudentis victricis naturæ molimina, in salutem decretoriæ; si fœsiles, confertim erumpentes, citius maturescentes, erysipelate, herpete miliari, & variis maculis intertextæ; cum irriti sint morbo succumbentis naturæ conatus, exitiofæ. Quæ non eminent, sed cutem tantum inficiunt maculæ, vibicum instar, vel pulicum morsuris similes, cum ultrâ modum rarefacti, soluti, propriis limitibus contineri impotentis, & in lymphatica cutis vasa irrumpentis sanguinis sint effectus, cohibita transpirationis causa, insensibilissimæ, pro vario colore, nequiores. Sunt quos hujus Febris effera vis citò rapit, non ultrâ septimum diem excurrat morbus, plerumque vix antè vigesimum judicatur, sæpè ulterius prorogatur. Cum enim clam & obscure irreat, nec repente ullâ crisi solvi potest: par enim ortus & exitus ratio. Nonnullos, longâ dierum serie intentis præcordiis, capite quasi lymphato, omnibus sensibus funeratis, pulsu attrito, tendonum subsultibus obscurato, vix in exacerbationibus, quæ crebrò recurrunt, micante, spasmi, indefinente delirio laceratos; hæmorrhagiâ, universo sudore, rutiùs biliosâ diarrhæâ, quasi ex ipsismet funeribus, si principis præsertim legitimâ oblitium methodo, emeruisse usus prodidit. Si in cerebri meningibus primam fixit sedem inflammatio, cum densa, contracta, sensus & *elaserii* compos sit ipsarum compages, vividior est Febris, acrior calor, strictior pulsus, capitis dolor lancinans, rigidiores tendones, crebriores subsultus, & tumultuosior insania ingruunt: celeriter coacti sanguinis, & in lymphatica incuneati vasa resolutio, vasorum expeditio, corruptio, meningum sphacelissimus, citior proinde morbi exitus. Si cerebrum occupat, cum mollis, laxa, virtutis resilientis experts, & insensibilis, licet sensus fons & organum, hujus visceris substantia, mollior pulsus, mitior calor, gravans capitis dolor, fugax delirium, rariores spasmodici motus, coma denique vigil slipantur; infarctus sanguis non aded flammam inurit, impedita seriùs explicantur vasa, inflammatio aut in suppuratum vertitur, vel cerebrum exundante sensum sero submergitur; productior ergò morbi eventus. Apertis malignâ Febre extinctorum cadaveribus, cerebro tenaciùs in hærens pia meninx, vasa, quibus contextitur, vel oculorum aciem fugientia, varicum instar, sanguine distenta, rimosa, cerebri pars pure exesa, anfractus ventriculi sero turgidi, illæsis sæpè cæteris visceribus, deteguntur.

V.



X hæc compendiosâ symptomatum, quæ malignæ Febris assident, & diverso gradu, variis morbi temporibus grassantur, syndrome, hujus causas depromere, peculiarem assignare focum non arduum est: his perpenis idonea colligere, & aptare remedia non operose plenum opus alex. Sanguis nempe vel malè elaboratorum succorum, quorum vitiosum sæpè cudit apparatus, primæ coctionis error, cæterarum functionum læsionis opifex, vel retenti pravâ alicujus incetniculi diathesi tacitè crescentis humoris congestione gravatus inspissatur & lentescit; crassioribus nec subactis imprægnatæ partibus sanguineæ molis fibræ arctioribus coctum nexibus, coactæ, & in minimos vasorum cerebri tubulos, cujus oram densissimis ubique rivulis perluit sanguis, agrè protrusæ moras nectunt tardigradæ, & eò faciliùs intricantur, quod minor sit ex parte vasorum, quorum imbellis *elaser*, resistentia; celeri & ex:

pedito prohibitus comœatu sanguis vasa aded tumefacit, ut hujus visceris quibus
 intertextuntur, glandulas coarctent, medullares anfractus plus æquò compriment,
 & exilissimos nervorum canaliculos constringant. Densior sanguis & minus ve-
 getus vix subtilem pro spirituum materiâ laticem instillat. Spiritus, quorum va-
 ria, pro sanguinis crassi, indoles, liquorum motus & partium vibrationis auctores,
 nec jugiter secernuntur, nec in partes assiduâ motione radiant; unde pigra &
 imperfecta excernendorum elaboratio, secretio: colorum otio, excernendis
 mole pressus sanguis, magis ac magis sordet & concrefcit; æquabilis & ordinatus
 liquorum, qui sanguinis inspissationem summâ commutationum crebritate præ-
 cavebat, confluit, partium consensus turbantur; reciproci motus languent,
 sensoria stupent, inde derivata virium jactura, & pulsus debilitas, quæ quantùm
 in hoc morbo impedita sit natura, & artis indiga, indicant. Jugi crudorum accessu,
 & heterogeneorum in vasis profluentium humorum tumultu sanguis effervescit,
 & cum eo gradu tardentur secretiones, quo incitatur fermentatio, excernendis
 factus tumultuatur, bulliens cor & arterias vividius ferit, vasa pressis reluctantur
 ictibus; in cerebrum jaculatus jam tumefacta distendit vasa, in sanguiferis in-
 tricatum magis implicat, globulos in lymphatica protrudit, intrusus aliis incu-
 neat; distenta vasa nerveas comprimunt & concutiunt fibras: non rectus sit,
 sed divaricatus; non jugis, sed interruptus; non undulatorius, sed impetuosus
 in nervos spirituum influxus. Inde delirium, spasmi, coma, & cætera malignæ
 Febris consuetaria symptomata emergunt. Venæ - sectio in genere luxuriantem
 circumcidit sanguinis molem, æstuantem compescit, è suo cursu descedentem
 revocat. Febrem non curat, sed curationem parat, & purgans, quòd continæ
 fomitem radicibus avellit, prosperos ducit ad exitus. Derivans seu parti affectæ
 propioris, aut cum eâ magis consentientis venæ sectio, si morantem in parte non
 educit sanguinem, aut rapido novi torrentis affluxu non abducit, ipsam prægra-
 vat, & vel ingruentem accersit inflammationem, vel factam adauget Revul-
 siva non motos tantùm sanguinis fluctus componit, sed mutatâ determinatione,
 ipsius in infarctâ vasa incursum retundit. Tutissima enim est fluxionum medicatio,
 sanguinis influxum in laborantem partem tardari, refluxum citari, hæc certa sunt
 revulsivæ beneficia. In malignâ Febre caput vehementer impetit sanguis: se-
 gnius, nec eâ, quâ cerebrum subivit copiâ, præ obicibus in comœatu objectis,
 venis reforbetur; allatâ saphenæ - sectione prout ægri vires ferunt, & morbi
 symptomata exigunt, repetitâ, inferiori vasorum circulo inanitate, celerius &
 uberius, juxta inconcussam motus legem, versùs tuxæ venæ partem sanguis prola-
 bitur, lentius, parcius in contrariam insilit: sanguinis mole levata cerebri vasa
 resiliunt, morantem subigunt, infarctum terunt, eliquatiorem efficiunt & in
 venas trufum circuitui reddunt: compressæ se efferunt glandulæ; facilius secreti,
 evolutiores, & in universum corpus infusi spiritus aperta recludunt incernicula,
 partium instaurant tonum. Sed à saphenæ sectione in inferiora decubituum, Hip-
 pocratis partium confidentiæ in malum detortæ sensum, morborum seminum in
 penitioribus abdominis viscerum recessibus collectorum, & oculis seriùs proger-
 minantium metus non deterreat. Hæc sunt incondita systematum aucupis verba,
 impetitur tantùm plebis terricula, non rectâ medendi methodo subnixi judicii
 argumenta. Frustrâ saphenæ sectione exundantem tenuare sanguinem, & nimiam
 in caput elatum revellere allaborabis, ni citò Febris fomitem purgante
 subducas. Humor enim igniculis rarefcens & expansus sanguis majus, quàm lu-
 xurians, in vasis spatium occupat, vehementius in ipsorum parietes impingit, &
 cerebrum vividius impetit, novos infarctus & inflammationes illaturus. Ut tem-
 pestivum sanguinem educendi tempus exacerbatio, quòd tunc orgasmò percitus
 sanguifera nimis distendat & irriter vasa, lymphatica irrumpere aut rumpere
 minetur, oppressas ægri vires erigat, & huic ferendæ vacuationi pares reddat:
 sic mollissimum purgandi remissio, quòd tunc deservente sanguinis æstu, fluxilius
 corpus, laxiores, quibus liber humoribus pateat exitus, semitæ, placidior humo-
 ris motio, major in viis purganti obvius collectio. At ea est in malignâ Febre

altius immerse febrilis materiæ tenacitas, & partium inertia, ut cathartici irritam vini reddant. Catharticum igitur humores perturbat, movet, non promovet, nec infarctos valet meatus referare. Præstantius contrà & efficacius in hoc morbo remedium mochlicum, si prægressa imprimis in primo morbi impetu vomendi proclivitas. Purgantis enim & stimuli vices gerit. Ideò licet nec mole spectabilis, nec qualitate insignis sit vomitu rejectaneus humor, tantum ægro levamen affert. Dum enim suis aculeis nerveas ventriculi fibras vellicat & concutit, non tantum internæ tunicæ rugis tenacius inharerentes humores amolitur, sanguini penitiùs immixtos liquando tenuat, & per varia incernicula, sæpe cutis spiracula, extrudit; sed & partium; elaterem spirituum *radix* languentem erigit; fractum præsertim cerebri vasorum tonum infirgat, systolen adauget: inde stagnantes, morantes quassantur, teruntur, & protruduntur succi: restituito sanguinis & lymphæ circuitu, impeditæ extricantur glandulæ, compressæ spirituum orbitæ & tractus explicantur. Sed à purgatione in morbi primordio non avertat cruditatis metus, aut vana spes coctionis, quæ forsitan futura non est. Dum enim viget natura, mitior Febbris, leniora symptomata, non turbante tantum materiâ, sed urgente morbo, humor Febbris pabulum, avellendus. Est ubi per medios ignes maturanda purgatio. Concocta enim medicanda esse, non cruda, neque in principiis, malè intellectum, fallax est præceptum. Non enim coctus nocet humor, sed crudus. Coctum intellige fluidiorem redditum, secretum, à sanguinis fluente spontè in vias vacationi convenientes delabentem, cuius denique acumen & impetum natura fregit: crudum contrà salibus asperum, cum sanguine confusum, in vasis ferocientem, ægrè secernendum, & citò, ne in nobilem partem cæco impetu defiliat, aut altius se infingat, exigendum. Nullus Febre malignâ, in principiis, crudior morbus, nullus in quo cruda magis Febrilis materia. Sæpe non turget, sed urget morbus. Coctionem igitur non expectet otiosus & malè feriat Medicus. Crudum licet, nunquam facisciente naturâ subigendum humorem in ipsismet morbi incunabulis adoriatur. Tantæ molis opus citiùs, tutiùs, certius, depletis sufficienter saphenæ sectione vasis, & retorto sanguinis in cerebrum impetu, conficere mochlicum ratio comprobatur, observationum genitor, & ferax usus evincit.

Ergo maligne Febri saphenæ sectio, Emeticum.

Domini Doctores Disputaturi.

<i>M. Joannes Bessé, Notaria Hispaniarum Regina à Consiliis, & Medicus Primarius.</i>	<i>M. Joannes-Baptista-Tho- mas Martineng.</i>	<i>M. Salvator Cluscard.</i>
<i>M. Antonius de Jussieu, Re- gia Scientiarum Acade- miæ Socius, & Botanicæ in Horto Regio Parisiensis Professor.</i>	<i>M. Franciscus Ponsse.</i>	<i>M. Claudius du Cerf.</i>
<i>M. Joannes-Baptista Silva, Serenissimi Ducis Borbonii Medicus Ordinarius.</i>	<i>M. Thomas-Bern. Bertrand.</i>	<i>M. Claudius Vergne, Scho- larum Professor.</i>

Proponebat, Parisiis, JOANNES-BAPTISTA DUBOIS
Sanlaudæus - Constantiensis, Baccalaureus Medicus,
A. R. S. H. M. DCC. XXVI.